

lato-spathulatis, basim styli vix attingentibus, glaberrimis, perianthii imae basi tantummodo adnatis. ACHENIUM triquetrum, tubum perianthii æquans, attenuato-acuminatum, cinnamomeum : faciebus ovato-lanceolatis, planiusculis aut sulco superficiali notatis.

Crescit in provincia *San-Felipe* reipublicæ Venezuela, ad altitudinem 320 metr. Junio floret. — V. S., Herb. Mus. Par. (Funck et Schlim, pl. exs., n° 687).

31. TRIPALARIS NOLI-TANGERE †.

ARBOR 3-6 metralis, trunco erecto, nudo, cortice lœviusculo vestito; ramulis striatis, glabris, late fistulosis. FOLIA oblongo-lanceolata, 12-30 cm. longa, 8-12 cm. lata, utrinque acuta, aut apice leviter acuminata, integerrima, firmula, subtus juxta costam puberula, cæterum glaberrima ; petiolo 4 cm. longo. INFLORESCENTIA terminalis, foliis longior, ramis horizontaliter patentibus bracteisque dense velutino-pilosus. PERIANTHIUM fructiferum 25-30 mm. longum, rufescens; tubo late ovato subampullaceo, extus intusque molliter pubescenti-pilosus; laciniis exterioribus lanceolatis obtusiusculis, basi sinu subrotundo sejunctis, pubescentibus : pube superne brevi adpressa, inferne ut in ipso tubo; laciniis interioribus linearis-lanceolatis, stylorum apicem attingentibus, basi et costa pilosiusculis, perianthio liberis. ACHENIUM ovato-triquetrum, perianthii tubum æquans, breviter acuminatum, pallide olivaceum, faciebus anguste elliptico-ovatis, planiusculis aut sulcis tribus longitudinalibus superficialibusque notatis.

Alitur in sylvis primævis humidiusculis provinciæ *Matto-Grosso* Brasiliæ occidentalis, unde *Formigueira* dicitur.—V. V.—(Cat. nostr., n° 3378).

32. TRIPALARIS GUAYAQUELENSIS †.

ARBOR ramulis striatis glabris. FOLIA oblonga, 2-3 dm. longa, 8-11 cm. lata, breviter acuminata, basi attenuata vel rotundata, subcoriacea, utrinque glaberrima aut subtus juxta costam parce villosa costaque juniorum pilis rarissimis conspersa ; petiolo vix centimetrali. INFLORESCENTIA foliis longior, ramis patentibus breviter pubescenti-tomentosis bracteisque ; pedicellis eadem pube etiam vestitis. PERIANTHIUM fructiferum $4\frac{1}{2}$ - $5\frac{1}{2}$ cm. longum, tubo sphæroideo, extus pubescenti, intus pilosiusculo ; laciniis exterioribus lanceolatis, obtusis, tubo bis longioribus, utrinque sparsim pilosis, basi sinibus obtusiusculis separatis ; laciniis interioribus linearis-lanceolatis, achenio brevioribus, perianthii parieti basi adnatis, inferne tereti-tubulosis pubescentibus, superne complanatis extusque adpresso pilosis. ACHENIUM late trialatum, nitidiusculum pallide brunneo-